



GSOA - Gäll du weisch nit was das isch?
Für di isch das ä z'grosse Fisch
Das heisst nit Gruppe Sex ohni Aids
Isch dr jetz dr Grosche Gheit?
Oh nit Grieni Schwiiz ohni Affe
Nei, mir wäi d'Armee abschaffe!

Mir diä das ungerstütza
Weisch mir wäi dr Friede schütza
Ungerschriebe hei mir jo sofort
Grad im WK bim Rapport
Denn s'isch schlimm, das muess me chlage
Mit de Männer lits im Arge

So hei si s'Zwinge d'Kurve gschnitte
Mit'me riesig schöne Super-Schlitte
Häi dänggt, das Bliemli dort, das isch famos
Ig brings im Schätzli - Doch jetz loos:
Wiä s'isch im Diensch, s'wird halt so gmacht
Si si mit'm Panzer durä Garte kchracht.

Tschugger schreie, d'Sirene hüüle
Grosse Gschtangg hesch chönne fühle
S'Füürli brennt, ä Kataschtrofe
Z'Schwazrzeburg do diä si schloofe
Weisch, am Kurs für Unschuldslämmer
Dört si d'Laufner Zivilschutzmäner!

Laschter dätsche, Flieger stürze
Los, do gits grad nüt me z'nürze
Mir sages nomol, liebi Lüt
Eusi Männer si für nüt

Drum wei mr jo d'Armee abschaffe
und halt für ä Friede schaffe

Doch so wie mir die Schwiizer kenne
All die Grosse freie Ober-Senne
Wärde die däm Friede doch nit traue
Wai enter d'Fraue id'Armee iibaue!

Die wärdne denn scho s'Gurli fiengge
Denn chasch angerst umätschiengge
Dr Frau wird gfolgt ä ganzä huffä
und s'isch fertig mit'm umäsuffä
Si dänggä: Nummä so cha d'Schiiz sich wehre
Mir wäi dä Fraue s'Chriegä lehre!

Ach, das git a schöni Zyt
das wird dr absoluti Army-Hit
Und dr Maa, mä muess sich frooge
Loht sich wohl no lang lo plooge.

(© GSoA ist ein eingetragenes Warenzeichen
der Gruppe Schweiz ohne Armee)